

## UGOVORNE STRANE

### KANTON SARAJEVO STRUČNA SLUŽBA ZA ZAJEDNIČKE POSLOVE

ulica Reisa Džemaludina Čauševića br. 1 71 000 Sarajevo

ID broj: 4200667410006

*i*

### EKODIMNJAČAR d.o.o.

Ulica Ramiza Salčina br. 2, 71 000 Sarajevo

ID broj: 4201122470008

*zaključili su*

## OKVIRNI SPORAZUM

o pružanju usluga usluga čišćenja dimnjaka i kotlova u objektima Kantona Sarajevo

## I PREDMET OKVIRNOG SPORAZUMA

### Član 1.

Naručilac naručuje, a Izvršilac preuzima obavezu da za račun Naručioca, a prema uslovima i odredbama ovog Okvirnog sporazuma i na osnovu prihvaćene Ponude Izvršioca broj: 47-09/20 od 14.09.2020. godine, zaprimljene pod brojem 17-11-35845 od 16.09.2020. godine (*u daljem tekstu: Ponuda*), izvede i izvrši usluge pregleda i mehaničkog čišćenju dimnjaka i plameno dimne strane kotlova u objektima Kantona Sarajevo u periodu **01.01.2021. - 31.12.2023. godine.**

### Član 2.

Izvršilac se obavezuje da, po nalogu Naručioca i na osnovu prethodno usaglašenog i od strane Naručioca usvojenog obima poslova, izvede eventualne naknadne ili dodatne usluge, a sve u skladu sa odredbama ovog Okvirnog sporazuma i u skladu sa zakonom.

## II – KVALITET I OBIM RADOVA

### Član 3.

Izvršilac poslova se obavezuje da sve ugovorene usluge izvede prema usaglašenoj dokumentaciji i predmjeru, a u skladu važećim propisima, standardima i normativima za ovu vrstu poslova.

Izvršilac poslova iz tačke 1. ovog *Okvirnog sporazuma* iste će realizovati na osnovu zahtjeva Naručioca, koji će svoje potrebe za ugovorenim poslovima iskazivati kroz zahtjeve za ponudom i ispostavljanjem narudžbenica za svaki pojedinačni posao, što će predstavljati ugovaranje u okviru ovog *Okvirnog sporazuma*. Naručilac ima pravo da od Izvršioca zahtjeva

realizaciju dijela poslova koji nisu obuhvaćeni ponudom, a cijena tih poslova će se ugovarati kroz dostavljanje ponude od strane Izvršioca i izdavanje narudžbenice od strane Naručioca, koja će predstavljati potvrdu prihvaćene količine i cijene tih proizvoda. Realizacija poslova u okviru ovog Okvirnog sporazuma koji nisu obuhvaćeni prihvaćenom ponudom ne može preći 10% ugovorene vrijednosti ovog Okvirnog sporazuma.

#### **Član 4.**

Za sve vrste izvedenih poslova na objektima kao i kvalitet izvedenog ukupnog stanja u odnosu na važeće propise, Izvršilac je dužan o svom trošku, izraditi i Naručiocu dostaviti odgovarajuće dokaznu dokumentaciju o ispravnosti i kvalitetu izvedenih poslova.

#### **Član 5.**

Eventualna odstupanja od izvođenja predmjerom i predračunom predviđenih dodatnih poslova, a u pogledu njihovog kvaliteta kao i njihovog obima do 10% od ugovorenih usluga, moraju biti prethodno odobrena od strane Naručioca, odnosno od strane nadzornog organa, uz prethodno provođenje procedure koja je u skladu sa Zakonom o javnim nabavkama (Sl. glasnik BiH 39/14).

### **III – KONTROLA I GARANCIJA KVALITETE**

#### **Član 6.**

Stručni nadzor nad realizacijom usluga vršit će Stručna služba za zajedničke poslove Kantona Sarajevo preko svog ovlaštenog lica, koje će biti imenovano odmah po potpisivanju Okvirnog sporazuma. Izvršilac poslova je dužan da pismenim putem obavijesti Naručioca o imenu ovlaštenog lica za realizaciju ugovorenih poslova na objektima.

#### **Član 7.**

Izvršilac poslova daje garanciju da će izvedene usluge i biti realizovani u skladu sa važećim zakonskim propisima koji se odnose na ovu vrstu poslova.

#### **Član 8.**

U slučaju naknadne pojave nedostataka u kvalitetu izvedenih poslova a u okviru ugovorene realizacije poslova, Izvršilac je dužan da u roku od 24 (dvadesetčetiri) sata po pozivu Naručioca pristupi njihovom otklanjanju i iste odmah otkloni o svom trošku.

U slučaju da se Izvršilac po pozivu Naručioca ne odazove u roku iz stav 1. ovog člana Okvirnog sporazuma, Naručilac stiče pravo da za otklanjanje nedostataka, na račun Izvršioca angažuje drugog Izvršioca.

#### **Član 9.**

U slučaju naknadne pojave nedostataka u kvalitetu izvedenih poslova, a u okviru ugovorenih poslova, čijim bi trajanjem bili ugroženi životi ljudi ili prouzrokovane veće materijalne štete nad objektom, opremom i drugim uređajima u, i oko objekta, Izvršilac je dužan da otklanjanju nedostataka pristupi odmah po pozivu Naručioca.

U slučaju da Izvršilac to izbjegava Naručilac će postupiti na način predviđen članom 8. ovog Okvirnog sporazuma.

## IV – VRIJEDNOST OKVIRNOG SPORAZUMA

### Član 10.

Ukupna vrijednost poslova po ovom Okvirnom sporazumu iznosi:

<i>Vrijednost okvirnog sporazuma bez PDV-a</i>	<b>24.900,00 KM</b>
<b>PDV 17 %</b>	<b>4.233,00 KM</b>
<i>Vrijednost okvirnog sporazuma sa PDV-om</i>	<b>29.133,00 KM</b>

*Slovima: (dvadesetdevehiljadastotinutridesettri KM).*

Konačna vrijednost poslova utvrdit će se konačnim obračunom realizovanih poslova, a na osnovu stvarno izvedenih količina i ugovorenih jediničnih cijena po usaglašenom predmjeru ugovorenih poslova, koji se nalaze u prilogu ovog Okvirnog sporazuma i koji čine njegov sastavni dio. Konačnom vrijednošću radova će biti obuhvaćene i eventualni naknadni poslovi, a u skladu sa članom 2. ovog Okvirnog sporazuma.

### Član 11.

Izvršilac nema pravo na promjenu ugovorenih jediničnih cijena, po bilo kom osnovu i u tom smislu **jedinične cijene utvrđene predmjerom i predračunom, smatraju se fiksnim i nepromjenljivim.**

## V – NAČIN I USLOVI PLAĆANJA

### Član 12.

Ugovorne strane su se sporazumjele da Naručilac, Izvršiocu ugovorenih poslova iste plati na račun:

- žiro račun broj: 3389002200093385 otvoren kod Unicredit bank d.d.

### Član 13.

Fakturisanje (plaćanje) realizovanih poslova će se vršiti na slijedeći način:

**- nakon završetka Okvirnim sporazumom predviđenih poslova i ispostavljanja fakture.**

Nadzorni organ i ovlašteno lice Naručioaca dužni su u roku od 5 (pet) dana po prijemu privremene ili okončane situacije istu ovjeriti i uputiti na dalju realizaciju ili je, u slučaju njene neispravnosti (manjkavosti), vratiti Izvršiocu.

Ovjerenu i potpisanu fakturu Naručilac je, na način predviđen članom 12. ovog Okvirnog sporazuma dužan isplatiti Izvršiocu u roku od trideset (30) dana, koji počinje teći danom njenog prijema od strane Naručioaca.

## VI ROK I USLOVI IZVRŠENJE POSLOVA

### Član 14.

Rok za izvršenje svih ugovorenih poslova kao i eventualnih dodatnih i naknadnih poslova do 10% od ugovorenog obima je **sedam (7) dana** od dana uvođenja Izvršioaca poslova u posao.

#### **Član 15.**

Pod uvođenjem Izvršioca u posao, u smislu odredbi prethodnog člana, smatra se obaveza Naručioca:

1. da potpiše i ovjeri ovaj Okvirni sporazum,
2. da preda Izvođaču svu dokumentaciju potrebnu za realizaciju poslova,
3. da Izvršiocu ispostavi narudžbenicu za dio poslova koji se realizuje u okviru ovog Okvirnog sporazuma, što predstavlja ugovaranje tog dijela posla u okviru ovog Okvirnog sporazuma.

#### **Član 16.**

Ukoliko to Izvršilac bude zahtijevao Naručilac je dužan da Izvršiocu poslova, bez naknade omogućí korištenje i priključenje na elektro i mrežne instalacije.

#### **Član 17.**

Izvršilac poslova je odgovoran za:

1. sprovođenje mjera tehničke zaštite na radu na objektima,
2. sigurnost objekta i stvari u njemu za vrijeme realizacije poslova,
3. sigurnost i zaštitu ljudi, stvari i susjednih objekata i prostora, a u pogledu mogućih posljedica uzrokovanih realizacijom poslova.

Također, Izvršilac je prema zahtjevu Naručioca dužan da planirane poslove realizuje u okviru radnog vremena koje odredi Naručilac, što se ima utvrditi posebnim termin planom koji je sastavni dio ovog Okvirnog sporazuma.

#### **Član 18.**

Izvršilac treba ukoliko je to zakonska obaveza prijaviti izvođenje predmetnih poslova nadležnom opštinskom organu, a sve u skladu sa važećim propisima.

### **VII - PENALI I KAZNA**

#### **Član 19.**

U slučaju da Izvršilac svoju ugovorenu obavezu ne izvrši u ugovorenom roku i u obimu iz osnovnog predmjera, sa eventualnim viškovima poslova do 10% od ugovorene vrijednosti poslova, Naručilac stiče pravo na obračun i naplatu kazne za prekoračenje ugovorenog roka u iznosu od 0,5% od izvedene vrijednosti poslova za svaki dan zakašnjenja, a najviše do 5% od vrijednosti izvedenih poslova.

Ukoliko Izvršilac u ugovorenom roku iz bilo kog razloga ne započne ugovorene poslove ili ugovorene poslove djelimično izvede, ali isti budu izvedeni manje od 70% od ukupno planiranih poslova, Naručilac stiče pravo da automatski pokrene proceduru naplate raskida ugovora.

#### **Član 20.**

Ukoliko dođe do kašnjenja ugovorom preuzetih obaveza, ugovorena kazna će biti obračunata konačnim obračunom, a ukoliko dođe do otkazivanja Okvirnog sporazuma na jedan od načina koji su navedeni u članu 19. ovog Okvirnog sporazuma, Naručilac stiče pravo naplate troškova koji su prouzrokovani otkazivanjem Okvirnog sporazuma.

## VIII DOKUMENTACIJA I PRIMOPREDAJA

### Član 21.

Izvršilac je obavezan svakodnevno voditi dokumentaciju koja je propisana zakonom za ovu vrstu poslova.

### Član 22.

Naručilac je dužan, po zahtjevu Izvršioca, formirati komisiju za primopredaju predmetnih poslova.

Ukoliko se ukaže potreba (ukoliko to bude zahtijevala minimalno jedna strana) Izvršilac je dužan 5 /pet/ dana prije konačnog završetka poslova, Naručiocu uputiti pismeni zahtjev za formiranje komisije, a Naručilac je dužan u roku od 7 /sedam/ dana po pismenom zahtjevu Izvršioca formirati komisiju i zakazati primopredaju predmetnih poslova.

### Član 23.

Primopredaja poslova se, po zahtjevu Naručioca može izvršiti i za dio poslova koji čine funkcionalnu cjelinu, a sve po procjeni i u skladu sa procjenom Naručioca.

### Član 24.

Troškove rada komisije za primopredaju poslova snosi svaka ugovorna strana za svoj dio članova zajedničke komisije.

## IX KONAČAN OBRAČUN

### Član 25.

Konačan obračun svih poslova će se izvršiti najdalje u roku od 5 /pet/ dana po izvršenoj primopredaji ugovorenih poslova.

### Član 26.

Ukoliko bude potreba (ukoliko to bude zahtijevala minimalno jedna strana) Konačan obračun poslova će se izvršiti putem zajedničke komisije Naručioca i Izvršioca u koji ugovorne strane imenuju po jednog člana.

Predsjednik zajedničke komisije je iz reda članova komisije imenovane od strane Naručioca. Sastav zajedničke komisije za primopredaju poslova pored ostalih obavezno čine predstavnik nadzorne službe Naručioca i ispred Izvršioca rukovodilac poslova.

### Član 27.

Komisija za konačan obračun poslova je dužna da po završetku konačnog obračuna sačini zapisnik o izvršenim poslovima i po tri primjerka dostaviti svakoj od ugovornih strana na dalju realizaciju shodno odredbama ovog Okvirnog sporazuma.

### Član 28.

Troškove rada komisije za konačan obračun poslova snosi svaka ugovorna strana za svoj dio članova zajedničke komisije.

## X IZMJENA ODREDBI / RASKID OKVIRNOG SPORAZUMA

### Član 29.

Ugovorne strane su saglasne da se odredbe Okvirnog sporazuma mogu mijenjati sporazumno i samo u pisanoj formi, a takav dokument čini sastavni dio ovog Okvirnog sporazuma.

### Član 30.

U slučaju da jedna od ugovornih strana ne izvršava svoje obaveze u cijelosti ili ih izvršava djelimično, i ukoliko takvim ne izvršavanjem obaveza čini štetu drugoj ugovornoj strani, druga ugovorna strana stiče pravo na jednostran raskid Okvirnog sporazuma i naplatu nastale štete.

## XI PRELAZNE I ZAVRŠNE ODREDBE

### Član 31.

Sastavni dio ovog Okvirnog sporazuma čine:

1. prihvaćena Ponuda Izvršioca poslova,
2. sva druga obostrano usaglašena i ovjerena dokumentacija koja nastane tokom realizacije poslova.

### Član 32.

U slučaju spora po ovom Okvirnog sporazuma, ugovorne strane su dužne isti sporazumno riješiti, a u protivnom saglasne su da prihvataju nadležnost suda u Sarajevu.

### Član 33.

Ovaj Okvirni sporazum stupa na snagu danom potpisa od strane ugovornih strana u traje u periodu od 01.01.2021. godine do 31.12.2023. godine.

### Član 34.

Izvršilac nema pravo da zapošljava, u svrhu izvršenja Okvirnog sporazuma o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, nadležna za dodjelu navedenog Okvirnog sporazuma o javnoj nabavci, najmanje šest mjeseci po zaključenju Okvirnog sporazuma.

### Član 35.

Ovaj Okvirni sporazum sačinjen je u 4 /četiri/ istovjetna primjerka od kojih po 2 /dva/ primjerka za svoje potrebe zadržava svaka ugovorna strana.

**NARUČILAC:**

**KANTON SARAJEVO**  
**Stručna služba za zajedničke poslove**

**Nacelnik**

**IZVRŠILAC:**

**EKODIMNJAČAR d.o.o.**

**Direktor**

Broj: 17-11-34065-10/20

Datum: 19.10.2020. godine

Broj: 157/KM/2020.gd

Datum: 19.10.2020